

本經序疏要總目

卷一

療風通用

久風溼痺

大熱

風眩

賊風變痛

勞復

頭面風

暴風瘡癢

溫瘧

中風腳弱

傷寒

卷二

中惡

大腹水腫

小便利

霍亂

腸澼下痢

溺血

轉筋

大便不通

嘔噦

小便淋

卷三

消渴

痰飲

腸鳴

黃疸

宿食

上氣咳嗽

腹脹滿

嘔吐

心腹冷痛

卷四

本經序疏要 總目

心下滿急
驚邪

心煩
癩痢

積聚癥瘕
喉痹痛

鬼疰尸疰
噎病

卷五

鯁
鼻衄血
目赤熱痛
髮禿落

齒痛
鼻齕
目膚腎
滅瘢

口瘡
耳聾
聲啞
金創

吐唾血
鼻息肉
面𪔐𪔐

卷六

隤折
惡瘡
五痔
寸白

瘀血
漆瘡
脫肛

火灼
瘰癧
嚴

癰疽
瘻瘡
虻蟲

卷七

虛勞
洩精

陰痿
好眠

陰癢
不得眠

囊濕
腰痛

婦人崩中

月閉

無子

安胎

墮胎

難產

卷八

產後病

下乳汁

中蠱

出汗

止汗

驚悸心氣

肺痿

下氣

蝕臍

女人血閉腹痛

女人血氣歷腰痛

女人腹堅脹

解百藥及金石等毒

服藥食忌

藥不宜入湯酒者

序曰。班氏藝文志謂醫經者。原人血脈經絡骨髓陰陽表裏。以起百病之本。死生之分。而用度鍼石湯火所施。調百藥齊和之所宜。經方者。本草石之寒溫。量疾病之淺深。假藥味之滋。因氣感之宜。辨五苦六辛。致水火之齊。以通閉解結。反之於平。蓋自是醫經經方遂分。連絡之者。本草經則其樞紐矣。乃志不載其書。然帝紀平帝元始五年。徵天下通知逸經古記。天文厯算鐘律小學史篇方術本草。及以五經論語孝經爾雅教授者。所在爲駕一封軺傳。遣詣京師。至者數千人。樓護傳。護少隨父爲醫長安。誦醫經。本草方術數十萬言。世不忽其書。故習而傳之者。代不乏人。其得至今存者。惟梁貞白先生陶氏書爲最古。今案其文。既歷載本經總序於前。復患諸藥一種雖主數病。而性理有偏著。立方或致疑混。赴急抄撮。恐不皆得研究。故將本經序大病之主。已下一節。循其所列。剖而析之。分爲八十項。件繫主治藥於下。方贅之序末。是陶氏實注本經。而得本經與醫經經方連絡交會處矣。予治仲景書。既由不明藥物主病之所以然。用力本經。有本經疏證續疏之作矣。繼治孫真人王太守書。覺與仲景書猶未相承接。遂立志究竟病名古今相沿之準。病證彼此不侔之故。而證以藥物主治之由。得是編以爲鵠。反覆尋繹。參互研訂。然後

知一證也。隸之此病則屬虛。隸之彼病更屬實。一藥也。投之彼病則逐實。投之此病反補虛。於仲景書以此推其緒。於孫真人王太守書以此要其歸。蓋自是而漢人唐人醫學醫經方旨趣得連爲一貫焉。篇中附北齊徐氏唐蘇氏蜀韓氏宋唐氏所增。其精詣幾與陶氏掇。而徐氏所續九項。實有裨補證明之功。亦隨例詮釋而不削也。道光二十年九月五日。武進鄭澍序。

貞白先生名宏景。梁時隱居茅山。自號華陽。隱居實始集別錄。附入本草經中。徐氏名之才。北齊尙書令。封西陽王。著藥對。蘇氏名恭。顯慶中與長孫無忌許敬宗等修定本草。李勣表上之。今名唐本草。韓氏名保昇。孟蜀重廣唐本草。并稍增注釋。名蜀本草。掌氏名禹錫。宋嘉祐時奉詔重修本草。名嘉祐補注本草。唐氏宋大觀時蜀人。取諸家本草彙而集之。並采入經史中言醫事。隨類附入。名證類本草。

本經序疏要目錄

卷一

序例	一
療風通用	二
風眩	七
頭面風	九
中風腳弱	一一
久風溼痺	一三
賊風癱痛	一六
暴風癱瘓	一七
傷寒	一九
大熱	二三
勞復	二七
溫瘡	二八

卷二

本經序疏要 目錄

中惡	三三
霍亂	三五
轉筋	三七
嘔噦	三九
大腹水腫	四一
腸澼下利	四五
大便不通	五二
小便淋	五三
小便利	五八
溺血	六〇

卷三

消渴	六二
黃疸	六五
上氣咳嗽	六九
嘔吐	七三

痰飲	七六
宿食	八〇
腹脹滿	八一
心腹冷痛	八三
腸鳴	八七

卷四

心下滿急	八九
心煩	九〇
積聚癥瘕	九四
鬼疰尸疰	九八
驚邪	一〇三
癰瘤	一〇六
喉痺痛	一一二
噎病	一一四

卷五

硬	一一七
---	-----

齒痛	一一八
口瘡	一二〇
吐唾血	一二一
鼻衄血	一二四
鼻鼈	一二七
耳聾	一二八
鼻息肉	一三〇
目赤熱痛	一三一
目膚瞤	一三三
聲暗啞	一三五
面肝皰	一三六
髮禿落	一三八
滅癥	一四一
金創	一四一

卷六

蹇折	一四五
瘰血	一四六

火灼	一四九
癰疽	一五一
惡瘡	一五三
漆瘡	一五八
癰瘤	一五九
瘰癧	一六一
五痔	一六三
脫肛	一六六
蠱	一六七
虻蟲	一六七
寸白	一六八

卷七

虛勞	一七一
陰痿	一七七
陰癰	一七九
囊溼	一八〇
洩精	一八一

好眠	一八三
不得眠	一八三
腰痛	一八四
婦人崩中	一八六
月閉	一九〇
無子	一九三
安胎	一九四
墮胎	一九六
難產	二〇〇

卷八

產後病	二〇三
下乳汁	二〇四
中蠱	二〇六
出汗	二〇九
止汗	二一〇
驚悸心氣	二一二
肺痿	二一三

下氣	二一五
蝕膿	二一七
女人血閉腹痛	二一八
女人血氣歷腰痛	二一九
女人腹堅脹	二二〇
解百藥及金石等毒	二二一
服藥食忌	二二七
藥不宜入湯酒者	二二八

本經序疏要

武進鄒澍潤安撰

卷一

序例

謹按諸藥一種雖主數病而性理亦有偏著立方之日或致疑混復恐單行徑用赴急抄撮不必皆得研究今宜指抄病源所主藥名便可於此處療若欲的尋亦兼易解其甘苦之味可略有毒無毒易知惟冷熱須明今依本經別錄注於本條之下其有不宜入湯酒宜入湯酒者亦條於後（唐本以朱點爲熱墨點爲冷無點爲平多有差悞宋人於逐藥之下依本經別錄而注焉）

凡藥稟賦絕類則功用廣博然推其端緒要有歸著譬如麻黃其異在所產之地冬不積雪則其歸著在鼓發陽氣衝散陰邪故凡束縛難伸之風（賊風變痛）蔽鋼盛熱之寒（傷寒）乍揚更抑之熱（溫瘧）迫隘不順之氣（上氣咳氣）皆所能療誠得謂一種可主數病矣然不能治筋骨懈弛之風陽氣漏泄之寒鼓蕩不羈之熱隨火冲逆之氣稽其效曰出汗亦僅能令羶中見睨不能令早處致霖曰下氣卻祇能於橫中開道不能於直下擊渠又可謂性理有偏著否耶太陽病項背強几几汗出惡風者桂枝加葛根湯反無汗惡風者葛根湯用麻黃不用麻黃其別在汗咳而脈浮者厚朴麻黃湯沈者澤漆湯用麻黃不用麻黃其別又在脈立方之日不洞曉是理易致疑混陶氏序肘後百一方云常居閑佚乃可披檢方書或從祿外邑將命遐征或宿直禁闈晨宵隔絕

或急速戎陣。城柵嚴阻。忽遇疾厄。拱手相向。搢紳君子且然。何況貧家野居。能不向單行經用。赴急抄撮以求活。此時而欲研究方書。探討經義。證其非是。豈特不能。且不暇矣。爲此編者。筆墨省減。病名既得原委。藥味遂可別擇。循證求病。因病得藥。從藥檢宜。誠可謂探之囊笥。庸醫均可成醫者。嗟夫。世風遞易。遵守殊規。徒知寒可攻熱。熱得療寒。補概益虛。泄能除滿。欲適燕而北其轅。固不爲非是。殊不知自吳直往。定抵海濱。從演徑徂。輒歸西域。遂致輒發坦途。詣終茅塞。惟古人所指示。曲盡攸宜。縱使羊腸鳥道。循是遺征。必可屆四通八達。此昔日之僻徑。卽今日之廣衢。而今日所謂廣衢。乃金元已來所別開也。甘苦之義。其旨淵微。冷熱之宜。其情直遂。注此於下。相得益彰。意簡要而用專精矣。

療風通用

〔防風〕〔溫〕 主大風頭眩痛風行周身骨節疼痛煩滿

〔防己〕〔平〕〔溫〕 療風腫及中風手足攣急

〔秦艽〕〔平〕〔微溫〕 療風無間久新通身攣急

〔獨活〕〔平〕〔微溫〕 治中諸風溼冷奔喘逆氣皮肌苦癢〔藥性論〕

〔芎藭〕〔溫〕 主中風入腦頭痛寒痹

〔羌活〕〔平〕〔微溫〕 主賊風失音不語多癢血癩〔藥性論〕

〔麻黃〕〔溫〕〔微溫〕 治身上毒風癩痹皮肉不仁〔藥性論〕

本蜀鹿藥溫 主風血去諸冷益老起陽

天麻平 治諸風溼痹四肢拘攣
海桐皮平 主要腳不遂頑痹腿膝疼痛（海藥）

柳祁平

威靈仙溫 主諸風宣通五藏去腹內冷滯心隔痰水

對藥
楓香平治癱瘓毒臣

薏苡仁微寒主風筋攣急屈伸不得君 主風溼痹下氣

萎蕤平治中風暴熱不能轉動者君

巴戟天微溫治風邪氣君 治一切風（日華）

側子大熱治溼風大風拘急使 治冷風溼痹大風筋骨攣急（藥性論）

鼈頭血治口僻臣

山茱萸平治風氣臣 主頭風風氣去來鼻塞目黃耳鳴面皤

淡竹瀝及葉大寒主風癰疾臣

牛膝平主風攣急君

細辛溫主風攣急君 主風溼痹痛死肌

菖蒲溫君并桂心大熱吹鼻中主風瘖君

梁上塵微寒以小豆大吹鼻中治中風使

葛根平治暴中風臣 治金創中風瘞欲死者煮汁飲之口噤不開多服生葛根自愈

(肘後)

白鮮皮寒治風不得屈伸風熱臣 主頭風 治一切風痹筋骨弱乏通小腸水氣

(日華)

白薇大寒治暴風熱四肢急滿不知人臣

類證

天薺冬平大寒 主諸暴風溼偏痺強骨髓

附子溫大熱 腰脊風寒

柱若微溫 主風入腦戶頭腫痛多涕淚出

麥薺冬平微寒

羚羊角溫(應作寒)微寒 治一切熱毒風攻注(藥性論) 主中風筋攣附骨

疼痛生摩和水塗腫上(孟詵)

犀角寒微寒 散風毒(藥性論) 治中風失音熱毒風(日華)

藁本溫微寒 除風頭痛 能治一百六十種惡風鬼炷流入腰痛冷能化小便通

血(藥性論)

天雄溫大溫 主大風寒溼痺歷節痛拘攣緩急

黃芪微溫 主大風癰疾

蒺藜子微寒 治諸風癰瘍破宿血（藥性論）

藜耳實溫葉微寒 主風頭寒痛風溼周痹四肢拘攣痛惡肉死肌

菊花平 主四肢游風利血脈（日華）

狗脊平微溫 治男子女人毒風輭腳邪氣溼痺（藥性論）

莽艸溫 主風頭癢可用沐勿令入眼

柏子仁平 主風溼痺 治風潤皮膚（日華）

蔓荊子微寒微溫 治賊風（藥性論）

當歸溫大溫 主惡血內塞中風瘧汗不出

烏喙微溫 主風溼寒熱歷節掣引腰痛不能行步

草薢平 主冷風癰痺腰腿不遂手足驚掣（藥性論）

躑躅溫 主賊風在皮膚中淫淫痛

欒荊溫 主大風頭面手足諸風

辛夷溫 主風頭腦痛

小天蓼溫 主一切風虛羸冷手足痺疼無論老幼輕重浸酒及煮汁服之

乾蝎溫 療諸風癱瘓及中風半身不遂口眼喎斜語澀手足抽掣

烏蛇溫 主諸風瘙癢癰皮膚不仁頑痺

天南星溫 主中風除痰麻痺下氣破堅積

烏頭溫大熱 主中風惡風洗洗出汗除寒溼痺

白花蛇溫 主中風溼痺不仁筋脈拘急

酸棗仁平 主筋骨風研末作湯服之（藥性論）

鼠黏子平 除風傷

牛黃平 療中風失音口噤（日華）

枳殼微寒 主風癢麻痺通利關節

牡荊子微寒平 根主心風頭風肢體諸風解肌發表（唐本引別錄）

風之病人也。大率有三。有感而即發者。有既入人身。盤旋氣血間。久乃成病者。有人身陽氣自應風化爲患者。感而即發。如傷寒溫熱時氣等類是已。既入人身。盤旋氣血間。久乃成病。如風眩頭面風等類是已。此篇大旨。爲諸病提綱。挈領。獨於人身陽氣。自應風化爲病者。加詳。何謂人身陽氣。自應風化。蓋陰性凝聚。陽性發散。陰聚之陽必散之。則陰陽固互相爲用矣。然不有陰氣凝聚。陽在內不得出。奮擊爲雷霆者乎。不又有陰氣凝聚。陽在外不得入。周旋不舍而爲風者乎。是故風者。陽氣之變告也。其卦爲巽。巽者陰初凝而完聚。陽始退而矯強。強者力不

能散。聚之紐密。聚者偏不受強之提撕。於是相搖相曳。相摩相盪。而周旋不舍焉。而抑揚飄驟焉。必得雨而風乃息。雨固陰陽之既翕而化焉者也。故夫人身之陽。在上則欲其與陰化而下歸。在下則欲其化陰而上出。設使在上不與陰化。在下不能化陰。斯陽亢無以升降。於是爲出柙之虎。失繫之猿。而窮而無歸。咆哮拔矜。百變不已。竊篇中大意。陽之鬱者伸之。陽之勁者緩之。陰之結者破之。陰之竭者濡之。隨其所在而澤陽。因其所近而招陰。增膏以定火之施。溉水以拯木之枯。總不出用陰和陽一語。就病以徵藥。卽藥以審病。紛紜膠擾之中。未始不可隨處洞徹源委也。

風眩

〔菊花〕〔平〕 主風頭眩腫痛目欲脫淚出

〔飛廉〕〔平〕 主頭眩頂重

〔躑躅〕〔溫〕

〔虎掌〕〔溫〕微寒 主風眩 主風眩目轉（藥性論）

〔杜若〕〔微溫〕 主風入腦戶頭腫痛多涕淚出眩倒目眈眈

茯神平 療風眩風虛

〔茯苓〕〔平〕

〔白芷〕〔溫〕 主頭眩目癢

鷓鴣頭平 主頭風眩顛倒癰疾

蜀本藥對

伏牛花 主風眩頭痛

芎藭溫臣

防風微溫主頭眩顛倒火風溼痹臣 主大風頭痛惡風

人蔘微溫主頭眩轉君

兔頭骨平臣 主風眩顛疾

證類

蔓荊實微寒 主風頭痛腦鳴目淚出

薯蕷溫平 主風頭眼眩

朮溫 主風眩頭痛目淚出

麝蕪溫 頭中久風風眩

陽在上不與陰化。在下不能化陰。均之風也。何以在下之風。有腸風胃風。則爲飧洩也。又有風祕風燥。則爲便艱也。在上之風。有卒仆無知。痰涎湧逆也。又有頭風眩痛。涕洟唾淚也。此不特有淺深之殊。抑亦有開閉之異。蓋陰之錮者。陽必鬱。則陰固錮陽。而陽亦燠陰也。陰之漏者。陽必動。則陰固背陽。而陽復迫陰也。故夫閉者益閉。開者愈開。閉者之致斃。是陰竭陽亡。開者之及危。乃陰離陽決。雖然。閉之弊斷有甚於開。試思風頭眩痛。非卒倒無知之輕者乎。痰涎湧逆。非涕洟唾淚之甚者乎。然參釋前篇。與此篇義旨。又有以知閉者宜醒。陰導陰以濟陽。開者宜順。陰和陰以平陽。爲同中之異矣。順陰和陰以平陽。奈何。試以燭炮則淚垂。波蕩則舟旋證之。夫燭炮淚垂者。咎在陽而不在陰。波蕩舟旋者。咎在陰而不在陽。但風息則非特燭不燼。卽波亦不蕩矣。是豈不可并合而論。然

不有膏不堅而燭垂淚者乎。不有水激搏而舟旋轉者乎。水激搏而舟旋轉。是地勢之傾欹也。膏不堅而燭垂淚。是氣候之過暖也。療風無藉乎崇土。此篇偏疊隸以淺尤。薯蕷療風何資於淺癩。此篇乃並列以茯神茯苓。而菊花之苦平而降。蔓荊之辛寒而升。尤之苦溫而守。性殊楚越。而收淚之功則同。其可謂順陰氣使就下。和陰氣使歸壑。平陽氣使寧謐者非耶。考仲景治眩。多著意於水與飲。故苓桂朮甘湯。真武湯。五苓散。澤瀉湯。均不得謂爲治風。則風眩之必兼治水。從可識矣。

頭面風

〔芎藭〕〔溫〕 除面上游風去來目淚多涕唾忽忽如醉

〔薯蕷〕〔溫〕平 主頭面游風

〔天雄〕〔溫〕大熱 療頭面風去來疼痛

〔山茱萸〕〔平〕微溫 除面上瘡主能發汗（藥性論）

〔莽艸〕〔溫〕

〔辛夷〕〔溫〕 治面腫引齒痛

牡荊子溫

〔蔓荊子〕〔微寒〕平溫 久服令人光澤脂緻

〔藁本〕〔溫〕微溫微寒 長肌膚悅顏色辟霧露潤澤可作沐藥面脂

〔麝香〕〔溫〕